

## მშობა, ერთობა და სიყვარული

მთელ ქვეყანაზე და კაცთა შორის  
იყოს წყეული... ის იყოს კრული,  
ვისაც არ სწამდეს და არ უნდოდეს:  
მშობა, ერთობა და სიყვარულინ.

საერთაშორისო მტკიცე კავშირი,  
ეს არის ქრისტეს სწავლა და მცნება,  
საყოველთაო, სამარადისო, -  
და არ საწუთო სიზმარ-ოცნება.

ვისაც ესა სწამს წრფელის განზრახვით  
და ჭეშმარიტად არს გამსჭვალული,  
მას შეერიგება ციურ მანანად  
მშობა, ერთობა და სიყვარულინ.

ვინც გაიძახის ცარიელ სიტყვებს  
და გულში სულ სხვა აქვს დამარხული,  
ამაო არის მისი ნათქვამი:  
მშობა, ერთობა და სიყვარულინ.

მთელ ქვეყანაზე და კაცთა შორის  
იყოს წყეული... ის იყოს კრული,  
ვინც მხოლოდ სიტყვით გაიძახოდეს:  
მშობა, ერთობა და სიყვარულინ.

1911 წ.